



Արմինե Մուրադյան

Մի՛ քնիր

Մի՛ քնիր,

արի՛ այսօր փոխադարձաբար

քարկոծենք իրար,

մեղադրենք իրար

չճանաչելու,

չլսելու,

չսպասելու

ու չհանդիպումների համար,

փնտրենք բառեր ճենճոտ,

օգտագործվելուց մաշված,

ստանդարտ,

միապաղաղ ածականների փնտրենք

ու շարտենք իրար վրա:

Հետո, ըստ կանոնի,
անցնենք հաջորդ աշխարհ
և մեղադրենք Աստծուն,
Ժամացույցին,
կյանքին,
սատանային
ու վերջապես իրար՝
մեր անպատեհ չհանդիպման համար...
Մի՛ քնիր,
որ գոնե ցուրտ գիշերում ես իմը մնամ
ու չկտրեն-անցնեն
մյուս ծայրը պատրանքի,
չէ՞ որ թերթիկ չունեն տեղաշարժման
արդեն շա՛տ վաղուց՝
դեռ անվարակ օրերից
ե՛ս չունեն քեզ մոտ գալու
գեթ մեկ գիտակից պատճառ,
իսկ անգիտակից՝ ինչքա՛ն ասես:
Մի՛ քնիր,

Մատներս թող հրեն սիրտդ ինձնից
ու ես կտտրեն դալար ճյուղը ձեռքիդ՝
կենաց ծառը մեր...
հետո տերևաթափվեն աչքերումդ,
որ միշտ զգաս շրշյունս հոգուդ մեջ...
Մի՛ քնիր,
ասա՛ ինձ,
աշխարհն էլ ի՞նչ կարող է,
էլ ի՞նչ պիտի հորինի
մեր չհանդիպումներն
արդարացնելու համար...
Երբ անցնի այս ամենը
ու մարդիկ նետվեն փողոց,
գրկեն իրար իրապես,
ու համբուրվեն տարփալից,
ու մերկանան արևին ի տես,
սիրածին ի պահ՝
ես ու դու,
դու ու ես,

մենք

ի՞նչ,

էլ ի՞նչ պիտի հորինենք

իրար չհանդիպելու համար:

Չէ՛, չէ՛ քնի՛ր . ուշ է արդեն

միայն վրադ ծածկի՛ր,

չմրսես,

ասում են՝ կորոնավիրուս է...

(գրկում են թոքերդ):